

خذ دموعي .. وئي ضلوعي .. يا ابن طه وعلي  
يا صلاتي .. ويا زكاتي .. ويا نجاتي وموئلي  
طففت انا بروحي اعلى قبرك واعثر بقلبي الصّدي  
أنه مشتاق الزياره ويم ضريحك موعدي  
لو ضريحك دون مشهد هذا قلبي مشهدي  
أخذ امن القبر ثربه لصلاتي ومسجدي

إنته ديني .. وكل يقيني .. آخري انتة وأوّلـي  
قلبي جنة .. مطمئنة .. وإسمك الساقى إلي  
ذره من تربة مقامك داس فوقه المعتدي  
تسوى آلاف الجنان اعلى الأرض ياسيدي  
ودّي أعفر خدي مرّه ابتربة القبر النّدي  
أمنيّه هذي ابحياتي باقيّه من مولدي

مدفون في وسط النبض	والعين مو تحت الأرض
بالروح يالحبك فرض	يا نور لكتاب
ومحفوظ قبرك في الصّدر	بالنور يضوي كالبدر
ذكراك تنجي في الحشر	في يوم لحساب
كل يوم أبجي وأذكرك	مولاي إقبل زيارك
مولاي تدعي وتنصرك	إقلوب لحباب

ربي أسأل .. مَنِّي تقبل .. هالدموع الجارية  
ويا محمّد .. لِيَّه تشهّد .. لعيوني الباكية  
ياعلي اشهد لي ابدموعي هاللي تجري امألمه  
واعلى آل البيت تبجي وتنعى أهل الرحمة  
ويالبتوله هذي جفّي على صدري لاطمه  
خادم أنه إنكريني في الحشر يافاطمه

في حياتي .. وفي مماتي .. يا حسنين وياحسن  
إنكروني .. من عيوني .. هاللي بالدمعه جرن  
من يهل امحرم ابجي ودمعي بعيوني انتثر  
والعزا عندي ايتجدد والمصاب اكل شهر  
وعلى وجناتي الحزينه يبقّى من دمعي أثر  
أبجي عالعتره الغريبه لظهور المنتظر

من يوم مهدي في الصغُر	والآل درعي المستمر
مذخور دمعي للحشر	للال مذخور
مكتوب بكتاب العمل	لال هالشيعي ثكل
وللال جرحه ما اندمل	في يوم عاشور
مأجور يالباجي على	لحسين وانصاره وهله
وكل عين تجري تاكله	والله مأجور

في وداعي .. والنواعي .. تخنق الدار بأسى  
آلمتني .. وذكرتني .. بعاشر او فزعة نسا  
بس طفل كنت ابمحرم أفزع اويه العايله  
طاردتني في البراري هالخيول الصاهله  
جم طفل يمي قضى وجم طفله صاحت ذاهله  
ما ذبحني السّم في قلبي إلذبحني كربله

يوم عاشر .. والعساكر .. هجمت ابوسط الخبه  
شفت وانحب .. بذيل زينب .. نار شبت لاهبه  
ماوصل عاشر محرم إلا فرّت هالحرم  
بس نُفر من سوط طاغي نهوي برّماد الخيم  
من نروح اعلى النهر يجرحنا شيال العلم  
نلتجي بحسين نلقى الراس ينزف رحمه دم

لسموم في قلبي جرت	والروح منها تقطرت
صيحات في داري علت	آلام واجروح
لحسين راحل أندبه	أبجيه شيبه امخضبه
بلطفوف روعي ناصبه	أحزان والنوح
وللموت سكتت شهقته	ولله فاضت دمعته
وبالنوح هاجت شيعته	من فاضت الروح

آه يجدي .. هذا عهدي .. مني لزياره وحيد  
وحدي راحل .. للمقاتل .. في التراب أبقى شهيد  
أصبحت هالدنيا ظلمه والسبط أصبح جريح  
وجارت الدنيا عليه وضاق هالكون الفسيح  
جني أنظر جسمي في العاشر على الغبره ذبيح  
( ضممني عندك يا جداه في هذا الضريح )

أطفي شمعہ .. وأوري دمعہ .. ضاق صدري امن الصبر  
آه ياجد .. يا محمد .. خذني عندك في القبر  
ضاقت الدنا في عيني اليوم يا جدي الحبيب  
سبطك اصبح آه يا جدي وسط هالأمه غريب  
خذني عندك صوب خدك أعفر بخدي التريب  
( فعلا من داخل القبر بكاءً ونحيب )

بلطفوف أحرم بالدمه	مسعاي بفلاك السمه
من فيض نحري زمزمه	ومن فيض لجروح
لبيك ياربي بصدر	يرقاه بنعاله الشمر
لبيك بالدم ينفجر	من راس مذبح
لبيك بحزان السبه	بأطفال تمشي امعذبه
بنسوان تبقى ابلا خبه	بحزانها تتوح

كل ولائي .. وانتمائي .. لعلي بعد النبي  
دين او تقوى .. روعي فدوى .. ( وبأُمِّي وأبي )  
والصلاة اعلی محمد وآله من عترة علي  
ابكل مصيبه في حياتي تصير أصرخ يا علي  
النبي كان المدينه للعلم بابيه علي  
ويخسر الدين ومصيره النار من عادى علي

يا علي اصرخ .. دوم واصرخ .. يا أمير المؤمنين  
علي والي .. وكل موالي .. للنواصب قاهرين  
( عَنِّي إِسْأَلُ مَنِ وَاقْبَلْ لَا تَلَوِّمْنِي اَبْعَمِه  
بِحُبِّي اسمع مني أروع رائعات امنظّمه  
حنه نبایع هالمدافع طه حيدر فاطمه  
والیضدنه ماله جنه واحنا نار اجهنّمه )

وياك لو شوك الدرب	وياك لو دربك صعب
وياك نبقي ونغترب	وياك بوحسين
وياك شيعه للأبد	للموت ما همنا أحد
تقداك أهلى وكل ولد	وياك بوحسين
للموت شيعه للولي	لو طال همنا ونبتلي
للموت نصرخ يا علي	وياك بوحسين